

問影樓輿地丛书

同影樓與地產

微波榭本

水地記

光緒戊申仿聚
珍版印於京師

光緒戊申仿聚
珍版印於京師

水地記

休寧 戴震

中國山川維首起於西尾終於東河水所出其地曰崐崙之虛其山曰紫山

禹貢織皮崐崙析支渠搜西戎卽敘崐崙今西番名枯爾坤譯言崐崙也有
三山曰阿克塔沁曰巴爾布哈最西而大曰巴顏哈喇其色紫黑產金銀番
語謂黑哈喇謂富巴顏故納斯稱自山東北至西寧府界千四百餘里唐長
慶元年大理卿劉元鼎爲吐蕃會盟使使還吐蕃傳記其所經見曰由洪濟
梁西南行二千里水益狹春可涉秋夏乃勝舟其南三百里三山中高而四
下曰紫山直大羊同國古所謂崐崙也虜曰悶摩黎山東距長安五千里河
源其間流澄緩東北直莫賀延磧尾殆五百里磧廣五十里北自沙州西南
入吐谷渾寢狹故號磧尾隱測其地蓋劍南之西唐會要大羊同國東接吐
蕃西接小羊同北直于闐東西千里儀鳳末屬於吐蕃此所言紫山與今巴

顏哈喇符崑崙之山三成故爾雅釋丘曰三成爲崑崙丘元使求河源誤以

禹貢之積石爲崑崙而自昔相傳禹本紀山海經淮南鴻烈及水經諸書所

言崑崙河源輾轉蹈襲鮮能証實史記大宛列傳張騫使西域還爲天子言

于寘之西寘闕古字通用水皆西流注西海其東則東流注鹽澤鹽澤潛行地下其

南則河源出焉多玉石河注中國而樓蘭姑師邑有城郭臨鹽澤鹽澤去長

安可五千里鹽澤今西蕃呼羅布淖爾在安西府西少北邊外此明言河注

中國源出鹽澤南下乃云其後騫死漢使窮河源出于寘其山多玉石

采來天子案古圖書名河所出山曰崑崙云則于寘河注鹽澤者之源非騫

所指注中國河源也漢書西域傳西域以孝武時通在匈奴之西烏孫之南

南北有大山中央有河東西六千餘里南北千餘里東則接漢隄以玉門陽

關西則限以葱嶺其南山東出金城與漢南山屬焉其河有兩源一出葱嶺

山一出于闐于闐在南山下其河北流與葱嶺河合東注蒲昌海蒲昌一名

鹽澤者也去玉門陽關三百餘里廣袤三百里其水亭居冬夏不增減皆以爲潛行地下南出於積石爲中國河云玉門關在故壽昌縣西百一十八里陽關在縣西六里壽昌本漢龍勒縣地今安西府西百五十里有壽昌城鹽澤去玉門陽關千三百餘里前後漢書皆脫去千字山海經雖語多荒略雜然不一其說然亦間有據依其一云敦薨之山敦薨之水出焉而西流注於泑澤出於崑崙之東北隅實惟河源郭景純注云卽河水出崑崙之墟酈道元水經注序敦薨之水自焉耆國北逕連城渠犁南流會于闐蔥嶺水注泑澤泑澤亦鹽澤異名此同於張騫所指中國河源由鹽澤潛行地下南出殆有見于所謂星宿海者其泉千百泓散如列星疑爲于闐蔥嶺千有餘里之起伏而復出歟今番人亦多言鹽澤南積地數百里往往有小水上出成澤爲潛行之徵考之禹貢於西戎舉其大者三國崑崙屬國名則所賅固不一山而中國河源所出之山最顯著耳爾雅河出崑崙虛亦不曰山察其地勢

山脈自紫山西連犛石山

今西番呼巴撒通拉木在喇撒伊克招之北八百里喇撒在四川打箭爐西北三千四百八十里

無城有大廟西番呼伊克招

又南迤西連接恒水所出山今番語呼岡底斯者

譯言羣山水根也值

西寧府西南五千五百餘里

緜亘二千里皆古崑崙之虛也犛水出犛石山與河源相去

厯三百六十餘里中隔一嶺卽巴顏喀喇之嶺犛水亦呼犛牛河語之轉爲

麗水今名金沙江西番呼木魯烏蘇至喀木境

近雲南麗江府之北

又呼布賴楚明洪

武十一年命宗泐往西番十五年還宗泐言河源出抹必力赤巴山番人呼

黃河爲抹處犛牛河爲必力處赤巴者分界也其山西南所出之水則流入

犛牛河東北之水是爲河源必力處卽布賴楚聲之轉也岡底斯水經注謂

之阿耨達山直古且末國南隋大業五年初平吐谷渾於且末城置且末郡

唐貞觀八年遣李靖等攻吐谷渾靖督諸軍經積石河源至且末窮其西境

水經注序阿耨達山數水其北流者逕且末城西左會于闐蔥嶺之水入鹽

澤西流者逕于闐安息右會蔥嶺西流之水入雷翁海恒水則南流入南海

用是知由岡底斯延綫而西北抵蔥嶺實羣山之大脊山海經西海之南流沙之濱赤水之後黑水之前有大山名崑崙之丘此語亦有據依者之一西海漢志爲僊海水經注一名卑禾羌海一名青海流沙唐書所稱積尾赤水今之金沙江黑水今之潞江亦作怒江應劭曰禹貢析支屬雍州在河關之西東去河關千餘里羌人所居謂之河曲羌司馬彪曰西羌者自析支以西濱于河首左右居也後漢書作賜支永元中迷唐率部落遠依賜支河曲涼土異物志曰古渠搜國在大宛北界據是言之河源已南唐吐蕃今西藏之境古崑崙國在焉積石已東北今青海之境古析支在焉而漢通大宛西域踰蔥嶺而西古渠搜在焉三地大小諸國通稱西戎繫於雍州形勢蓋可得而詳也

河北之山崑崙東千里而近曰積石

禹貢導河積石其山自紫山岐分循河北岸而東積石之西紫山之東臨星

宿海者曰布虎吉魯懇亦名枯爾坤山有數峯又東曰阿克塔齊欽有兩峯

望之如馬耳又東曰烏藍得什南至扎凌淖爾四十里山高大頂平又東有

嶺巖險多瘴氣曰牟布拉克西南至鄂凌淖爾五十里又東曰寒多嶺又東

大山曰馬尼圖西南至鄂凌淖爾百二十里其崖壁有昔人刻識又東曰碧

柳圖三山其南有山狀如牛曰阿喇克沙兒值黃河南流之東岸又東曰密里克西至河濱八十里山

有峰如屏相連有山曰布安又東禹貢之積石也值西寧邊外西南五百餘里漢志

金城郡河關積石山在西南羌中是也河關故縣在今西寧府西南邊外番

語謂祖阿木尼謂色斑駁瑪勒占謂冰木遜故呼積石山曰阿木尼瑪勒占

木遜其山有九峰繇亘三百餘里河行山南繞東麓轉西即梁寅河源記所

言河繞山之三面如玦然其西南山值河之東曰哈爾吉東有山二峰高峻

曰阿木尼凡曰阿木尼者皆番人所望祭大山河西轉之左曰烏藍芒奈有嶺北

枕河曰哈爾吉盛夏積雪多瘴氣元史地理志都實言甘思東北有大雪山

名亦耳麻不莫刺其山最高譯言騰乞里塔

番語謂天騰乞里曰塔者言平坦處

即岷崙也山

腹至頂皆雪冬夏不消此云岷崙者誤水經注唐述山隋唐間始有小積石

之目魏王泰括地志云大積石山在吐谷渾界小積石山在枹罕縣西北

今縣

州元和郡縣圖志鄯州龍支縣

在今西寧府碾伯縣南

積石山在縣西九十八里河州

枹罕縣積石山在縣西北七十里又云四瀆之中河源最高從高注下其流

峻急禹貢導河積石至于龍門又曰導洛自熊耳按洛水出上洛西山經熊

耳之北所言導者皆謂紀所施功不必自其源也則吉甫直以小積石當禹

貢之積石而為之說此山在酈道元注水經時尙不名小積石而太子賢注

後漢書杜佑作通典乃與李吉甫同誤後儒以之解經至元人遂誤以大積

石為岷崙矣河之西岸青海西南三百餘里曰占爾板依馬圖三山多羅淖

爾在是山之麓東北曰蘇羅巴顏哈喇多冷瘴山有石崖色黑其東嶺曰蘇

羅嶺在青海南少西二百餘里河北岸青海南百里有岡曰巴爾拖羅海岡

羅嶺在青海南少西二百餘里河北岸青海南百里有岡曰巴爾拖羅海岡

九地記
環青海十有五山番人皆呼烏爾圖青海中小山曰龍駒鳥近西岸有峰曰
插漢東西對峙魏書吐谷渾傳青海周圍千餘里海內有小山每冬水合後
以良牝馬置此山來春收之所生之駒號爲龍種吐谷渾嘗得波斯馬放入
海因生驄駒能日行千里世傳青海驄者是也隋書大業五年置馬牧於青
海渚中以求龍種無效而止

鮮水西北白龍堆沙之東曰三危是山不協禹貢之文其名蓋後起也

鮮水今之青海番名呼呼淖爾植沙磧之東西寧府之西肅州甘州之南積
石之北漢志敦煌郡正西關外有白龍堆沙蒲昌海西域傳鄯善本樓蘭國
最在東垂近漢當白龍堆乏水草元和郡縣圖志沙州燉煌縣三危山在縣
南三十里山有三峰故曰三危邊衛志白龍堆在沙州衛西沙形蜿蜒如龍
或十餘丈或四三丈變改無定東倚三危北望蒲昌爲極西要路三危山在
衛東南衛本漢敦煌郡考之虞夏書曰竄三苗于三危曰黑水西河惟雍州

曰三危既宅三苗不敘曰華陽黑水惟梁州曰導黑水至于三危入於南海
河既行積石之南東北屈曲過雍州之北折南左右冀雍之間爲龍門西河
南抵華陰而河所出山自枯爾坤西南接岡底斯西北爲于闐南山直抵蔥
嶺則河北之水不得絕之而南以入南海今所謂三危山者其下亦無水逕
通禹貢之黑水三危不在河北甚明屈原賦天問篇曰黑水玄趾三危安在
今河源之西南三百餘里爲金沙江之源又東南五百餘里爲潞江之源

周四

大山中平野有澤曰布哈淖爾當大流沙之東其水西花流百餘里爲額爾
機根淖爾又東北流八十里爲衣達淖爾轉而東南百五十餘里爲哈喇淖
爾水色深黑故西番名是水曰哈喇淖爾潞江自發源卽成池二皆黝黑

在喇撒伊
克招北二

百八其池殆所謂玄趾者歟三危蓋其所經之地歲久名湮無從證實耳崑

崑析支禹貢於雍州言之此水導源三池去河源金沙江源不遠三源跂置
如鼎足皆在岡底斯東北然則雍之西南境至此水上游梁之西境至此水
可無疑也左氏春秋王使魯桓伯辭於晉曰先王居櫛於四裔以禦魑魅

九地譜
故允姓之姦居於瓜州瓜州漢敦煌也允姓所居在瓜州三苗所居在三危
後世失傳而一之因命一山爲三危而禹貢三危久沒於西戎周人已莫能
言其處瓜州值析支西北三危蓋值崑崙東歟

北迪東曰嘉峪

山在今肅州西七十里山之西麓卽嘉峪關讀史方輿紀要云國初收河西
地西抵玉門北至沙漠而仍以嘉峪爲中外巨防

弱水所出山曰窮石

淮南子言弱水出窮石漢志張掖郡刪丹桑欽以爲導弱水自此西至酒泉
合黎許叔重說文解字帆山或曰弱水之所出而十六國春秋又謂之蘭門
山括地志蘭門山一名合黎一名窮石山在刪丹縣西南七十里以弱水所
出山兼有合黎之目蓋誤

北迪西曰合黎

禹貢導弱水至于合黎其山在今甘州府北四十里西北至高臺縣石峽口延袤三百里石峽口在鎮夷城西北七里亦名羗谷口漢志之羗谷水今呼張掖河俗呼黑河蓋弱水之別源鎮夷城東南至高臺縣百二十里縣舊爲高臺所陝西行都司志云黑河在高臺所北二百步在鎮夷城西四里又云傍合黎山出羗谷口北入亦集乃界元有亦集乃路在甘州東北千五百里其東北大澤卽居延澤也

河湟之北大山曰祁連山

山在今肅州南百六十里張掖縣西百里之黎園堡南九十里西河舊事祁連山在張掖酒泉二郡界上東西二百餘里南北百里有松柏五木美水草山中冬溫夏冷宜牧放牛羊充肥乳酪美好焉耆山東西百餘里南北二十里水草茂美宜畜牧與祁連同匈奴失祁連焉耆二山乃歌曰亡我祁連山使我六畜不蕃息失我焉耆山使我婦女無顏色焉耆一作焉支元和郡

縣圖志甘州張掖縣今甘州府治 祁連山在縣西南二百里刪丹縣元以後作山丹今屬甘州

府西至府 焉支山在縣東南五十里今縣東四十里曰新河堡又東四十里曰石峽堡山在新河堡南五里石峽堡

南八 唐書吐谷渾傳湟水至濛谷抵龍泉與河合故舉世謂西戎地曰河湟

元史地理志朱思本曰湟水自祁連山下正東流千餘里注浩疊河與黃河

合

踰豬野之南河西大山曰賀蘭山

山在今寧朔平羅寶豐三縣西界元和郡縣圖志靈州保靜縣在今靈州東北接寧夏縣

界 賀蘭山在縣西九十三里山有樹木青白望如駿馬北人呼駿馬為賀蘭

故名其山與河東望雲山形勢相接迤邐向北經靈武縣在靈州西北 又西北經

保靜西又西北經懷遠縣西縣即今寧夏府治 又北經定遠城西城在新渠縣北南至府六十里

又東北抵河其抵河之處亦名乞伏山從首至尾有像月形南北約長五百

餘里真邊城之鉅防山之東河之西有平田數千頃可引水灌溉如盡收地

利足以贍給軍儲也宋景祐以後西夏據有其地建宮山上山經五十餘所

寧朔縣西南赤木口尤屬要路可容千馬平羅縣北四十里打磴石爲山後

要路漢志武威休屠澤在東北古文以爲豬埜澤姑臧南山谷水所出北至

武威入海今涼州府鎮番縣北有武威故城水經注云在姑臧城北三百里

姑臧卽今武威縣東北至鎮番縣二百里陝西行都司志姑臧南山在涼州

衛西南百二十里雪山在永昌衛南百八十里與涼州南山相連炎夏積雪

不消亦名祁連山涼州衛今爲府永昌衛今爲縣東南至府百六十里今考祁連延袤千里自酒泉張

掖至此山勢相接本一山之所盤迴今寧夏有侍郎通智河源叙碑刻其文

云臣通智等奉命西行用繩丈路儀器測量沿河繞行徧歷河源並金沙江

鴉蘆江浪滄江怒江等源過西藏三千里抵恆河源而回巴顏哈喇山在西

寧邊外千四百五十六里形勢自金沙江源至此從此枝分其向西北而下

者爲三危等山繞沙州安西等處抵嘉峪關直達喀爾喀地在準噶爾之東黑龍江之西鄂